


陶氏宗祠圖



横屋未载

花苑

天井


惜陰堂

天井

陶氏宗祠

教以人倫

修其祖風



## 祠規引

禮曰君子將營宮室必先立祠堂於正寢之東以奉祭祀程子曰祠堂者所以管攝族人之心使人尊祖重木立宗子以主祭祀明譜系收族眾者也則知祠宇之立原爲祖宗神靈所依子孫思慕不可見仰其所依之處如見祖宗焉故主祭必加敬謹與祭不得怠慢所謂事死如事生事亡如事存者此也又況昭穆於此序賢能於此辨以及序齒逮踐之禮皆於此寓之宗祠之當建也顧不重乎哉第無規以教之則人知敬祖而不知所以敬之之道今條陳中規制附以議約使後之子孫一展卷而知宗廟乃禮法之場是亦寓先王教孝之義也乎譜祠規

## 儀節

通贊唱

序立 降神 鞠躬 拜興 拜興 拜  
興 拜 興 平身 盥洗 詣香案前 跪  
上香 酌酒盡傾於奠池 俯伏 興 平身 復位 參神 鞠躬 拜 興 拜興 平身  
行初獻禮 詣祖位前 跪 進饌獻魚肉湯飯 祭酒少頃於地 奠酒 俯伏 讀祝 興 平身  
復位 鞠躬 拜 興 拜 興 平身 行

亞獻禮 詣祖位前跪 進饌 奠酒 俯伏 興 平身 復位

鞠躬 拜 興 拜 興 平身 行終獻禮 詣祖位前

跪 進 饌 奠酒 俯伏 興 平身 侑食 執壺滿斟 祖位前酒並正筋飯上

獻茶 復位 辭神 鞠躬 拜 興 拜 興 拜 興 平身

焚祝文 徹饌 揖 納主 禮畢

祠規十三則

一、君子將祭慮事不可以不豫具物不可以不備今定期冬至日一祭值年者先期二日來祠將祭儀一

### 辦祭器

一、一洗滌無致臨時闕污與祭者前三日齋戒冬至前一日來祠上宿以便黎明祭祀

一、祭祀衣冠必要整飭雖不必紬緞而布素袍套緯帽鞋襪件件整潔亦足昭誠敬倘與祭者或戴無緯之

帽或有袍無套有套無袍或馬挂單約衲科頭跣足叱出不許與祭

一、黎明 祀執事者將祭儀陳設聽引贊通唱與祭孫等各就其位一跪一拜端莊嚴肅切不可交頭接耳  
唾欬跛倚以胎不敬之消倘與祭有犯此者祭畢族長執法罰跪祖前謝罪

前謝罪

一、祭畢後第一輩人先並列作揖畢分立於廳上左右第二輩人向上與第一輩人作揖然後平揖畢隨立第一輩身下第三輩并列先與第一輩人作揖次與第二輩人作揖然後平揖畢隨立第二輩身下第四輩人并列如人眾序作二三列照輩序次作揖畢各坐飲茶凡此所以序尊卑也

一、早飯後選子弟聲音宏亮者講家訓宗約數條序坐有事

稟者稟明族戶房長靜聽處分毋許忿爭不休又令執事人將彰善簿記過簿癉惡簿咨詢族眾命司書者有善則書之有過則記之有惡則載之但不可徇私袒護致起攻击

一、瓜瓞綿綿宗族盛事出丁費以入公積少成多異日重修

譜牒不必照丁另派今議男丁六分女丁三分生父於冬至前十日將丁費并生庚送交房長至冬至日凭族眾交清執事人呈芝蘭譜令司書將諱字并生父生庚詳註無遺如有吝費隱匿查出罰生父銀二錢房長銀一錢房長首出者免罰負固不遵異日重修族譜此子削譜不載

一、祠會所存有銀固必領借生息但領借人須要殷實今議領銀或外姓或本族利議週年加二踏清田畝界址書立契約總以三年為限利則每年冬至日清還至三年本利俱要還清取契如不還任族眾推糧過割若無田者斷不許領借分文即借亦祇以一兩為率

一、宴取成禮酒以合歡古人三揖百拜歌賓筵以侑酒者此物此志也今既藉祖宗之餘惠燕樂一堂非我

祖父伯叔卽我兄弟子姪飲酒言歡亦快事也但燕享之間祇可相勸不可相強若酗酒逞凶何歡之有倘祠中飲酒有沉湎而生事行凶者族長卽執法罰跪倘若相持不服卽令司書出革某某不許下次入祠助祭飲酒粘祠曉示

一、佃耕祀田租原議每年九月十五日值年來祠將租車量貯倉候冬至齊聽族長憑眾發賣遵行已久未免泄視近年大異甚至延推催取再三不能全楚實有乖先人之議茲重修譜牒公同酌議嗣後如再逾期租穀不清值年先集族長追齊租穀將田另佃如值年者徇情綏延公議罰銀一入祠倘逾期者除罰之外將田月佃為個戶刁頑公同頒罰究逐

一、古者大宗無子則以族人之子繼之所以重宗祊隆嗣續也今議立嗣態織之人於冬至後一日會聚親支并請族戶房長在宗祠備辦儀物告廟納幣命名受訓誡供酒饌則宗法明而嗣禮講庶不使骨肉之間仇怨忿爭致啓訟端

一、譜牒收藏貴密保守貴久今將地支編立字號署領譜名諱議定每逢子午卯酉年各帶原本到宗祠會看一遍仍各帶回收藏如有鼠侵油沔磨滅字跡者族戶房長量加懲罰另擇本房賢能子孫收骨登名於簿以便稽查或有不肖輩鬻譜賣宗騰寫原本致使以膺亂真不惟得罪族人抑且得罪祖宗眾共黜之不許入祠仍會眾呈官追

## 譜治罪

一、錫予慶賞 朝廷尙有優渥矧功名顯達增光一族者乎今議文武入學并補廩給花紅銀十兩恩拔歲貢給旗匾銀十二兩捐納貢監給旗匾銀六兩鄉試舉人給路費銀二十四兩會試進士給轎馬銀三十二兩公於祠中所存之銀支以旌賞亦寓鼓勵人材之意

一、范文正公置義田以贍宗族貧乏此種義舉固當奉行但族大人繁難以遍給今倣朱子社倉遺意每年將祀田租穀存四十碩貯倉公立約長司書各一人值年二人定期五月十五來祠將穀發借利議每石加一斗登名列數於簿仍取借穀人字約交約長收存至九月十五復全來祠令借穀人將所借谷本利一并送交宗祠車淨量清存倉若至冬至有拖欠不清者公出革粘祠下次不許領借升合仍會眾到伊家追谷送倉但所借谷以五石爲率殷實有餘者不許領借獲利約長等作弊族眾協同稟究按今時局大變事事難以因仍風會使然未可厚非我族祠規體例詳明極其精當雖時宜不合應改絃而更張奈新章伊始鮮有定式是以未敢擅易爰緝編次條列悉仍其旧而刊之庶先人手編精意於四修猶有存焉者矣昔靖節公六朝第一流人物處易代之際因時寄託其詩足與曠世而獨立而况詞嚴義正之祠規乎附錄於左閱者尙其諒之